

Na osnovu člana 52. Zakona o obrazovanju odraslih („Službene novine Kantona Sarajevo“, broj: 40/15, 40/20) i Odluke broj: 528/24 od 25.09.2024. godine Centar za edukaciju i istraživanje “Nahla” raspisuje:

JAVNI KONKURS

za upis polaznica na Program neformalnog obrazovanja „Obuka za grafičko dizajniranje“ za obrazovnu
2024/25. Godinu

I OSNOV IZVOĐENJA PROGRAMA

Centar za edukaciju i istraživanje „NAHLA“ upisan je u Registar organizatora obrazovanja odraslih pod rednim brojem 3. na strani 3. Rješenjem Ministarstva za obrazovanje, nauku i mlade Kantona Sarajevo, broj: 11/04-38-15748-7/17 od 7. decembra 2017. godine.

Obuka za grafičko dizajniranje je akreditirani neformalni program po rješenju Ministarstva za obrazovanje, nauku i mlade Kantona Sarajevo, broj: 11/04-34-11729-4/20 od 16. marta 2020. godine.

II OPĆI I POSEBNI UVJETI ZA UPIS

- a) državljanstvo BiH
- b) minimalno SSS, III ili IV stepen
- c) kandidatkinje starije od 18 godina
- d) osnovno poznavanje rada na računaru (Microsoft Office paket, s naglaskom na MS Word).

III BROJ KANDIDATKINJA KOJE SE MOGU UPISATI NA PROGRAM

- a) Obrazovna grupa od 15 kandidatkinja maksimalno u okviru jedne grupe.

IV NAČIN REALIZACIJE PROGRAMA OBRAZOVANJA I TRAJANJE

Način realizacije programa su predavanja i vježbe, te drugi primjereni načini u skladu s definiranim programom.

Program traje 120 časova, pri čemu jedan čas traje 45 minuta. Nastava će se odvijati dva puta i definirat će se Ugovorom o edukaciji. Početak nastave je: 22. oktobar 2024.

V TRAJANJE PROGRAMA I UVJETI ZA ZAVRŠAVANJE

Vrjednovanje znanja će se vršiti nakon završenog svakog pojedinačnog modula nastave i na kraju obrazovnog razdoblja. Nakon završenog 1, 2, 3 i 4 modula, polaznice će pohađati testove sa praktičnim zadacima iz gradiva koje obuhvata taj modul. Svaki od ovih testova nosi 10% od ukupnog broja bodova na kraju obuke. Nakon 5. modula polaznice će raditi test koji će podrazumjevati primjenu svih stečenih znanja na obuci. Test će biti koncipitan kroz praktičan rad na razvijanju i konceptualiziranju logotipa i identiteta (vizitkartice, memorandum, rollup baner, billboard, facebook profilna fotografija i cover, te drugim promotivnim materijalima) za konkretnog klijenta. Ovaj test nosi 60% od ukupnog broja bodova na kraju obuke.

Zadaća u toku trajanja obuke je obavezna i predstavlja uvijet za izlazak na finalni ispit.

Certifikat o uspješno završenoj obuci će dobiti polaznice koje osvoje minimalno 60% bodova iz pismenog testiranja po svakoj oblasti. Uvijet za izlazak na završne ispite jeste da je polaznica odslušala minimalno 70% nastave obuke.

VI NAZIV ISPRAVE KOJA SE IZDAJE PO ZAVRŠETKU PROGRAMA

Po završetku Programa i zadovoljavanju svih kriterija polazniku će biti izdata odgovarajuća isprava o obrazovanju kojom se potvrđuje da je ustanova provjerila i potvrdila ishode učenja i to:

- Uvjerenje o završenom usavršavanju.

VII VISINA ŠKOLARINE

Visina troškova školarine utvđuje se u skladu s Odlukom direktorice Organizatora obrazovanja odraslih

Broj: 529/24, od 25.09.2024. Iznos školarine je: 350 KM.

VIII SPISAK POTREBNE DOKUMENTACIJE

- a) Prijava za upis koja se preuzima lično u ustanovi;
- b) Izvod iz matične knjige rođenih
- c) Potvrda o mjestu prebivališta – CIPS
- d) Uvjerenje o državljanstvu
- e) Svjedočanstvo o završenoj srednjoj školi (najmanje III stepen) ili Diploma o završenoj visokoj stručnoj spremi.
- f) Dokaz o poznavanju rada na računaru, MS Office paket. (Kandidatkinje koje ne posjeduju dokaz o poznavanju rada na računaru bit će pozvane na besplatno ulazno testiranje.)

Konkursna dokumentacija dostavlja se u originalu ili ovjerenoj fotokopiji, ne starijoj od 6 mjeseci od dana objave konkursa. Nepotpune i neblagovremene prijave neće se uzimati u razmatranje.

IX ROK ZA PREDAJU PRIJAVA I NAČIN PRIJAVE

Konkurs je otvoren najkasnije do 16.oktobra 2024. do 18.00h.

Prijave za upis s potrebnom dokumentacijom polaznice dostavljaju lično ili preporučenom poštom svakim radnim danom i nedjeljom od 11:30 do 20:00 h na adresu: Centar za edukaciju i istraživanje „NAHLA“, Džemala Bijedića 122, 71000 Sarajevo, s naznakom „Prijava za upis na program neformalnog obrazovanja Obuka za grafičko dizajniranje za obrazovnu 2024/25. godinu“.

Sve dodatne informacije mogu se dobiti na broj: 033/710-650; E-mail: edukacija@nahla.ba.

X RANGIRANJE KANDIDATKINJA

Ukoliko se u okviru konkursne procedure prijavi više kandidatkinja nego što je definirano u odjelu III, cijenit će se po osnovu člana 52. stav 3 Zakona o obrazovanju odraslih („Službene novine Kantona Sarajevo“, broj: 40/15, 40/20).

XI ROK ZA OBJAVU REZULTATA KONKURSA

Rezultati konkursa bit će objavljeni najkasnije u roku od 7 dana od datuma zatvaranja konkursa na web stranici Organizatora obrazovanja odraslih.

XII POUKA O PRAVNOM LIJEKU

Kandidatkinje koje ne budu primljene na neformalni program obrazovanja na koji su konkurisali imaju pravo prigovora izvršnoj direktorici Organizatora obrazovanja odraslih u roku od 5 dana od prijema obavještenja o rezultatima konkursa. Za sve ostalo što nije navedeno u konkursu primjenjivat će se odredbe Zakona o obrazovanju odraslih („Službene novine Kantona Sarajevo“, broj: 40/15, 40/20) i ostali podzakonski akti koji regulišu oblast obrazovanja odraslih.

Broj: 530/24

Sarajevo, 25.09.2024.



IZVRŠNA DIREKTORICA

Elvira Leka